


皇明詔令

八



皇明詔令卷之十七

孝宗敬皇帝

官辭請卽位令

成化二十三年八月二十

皇太子諭文武羣臣軍民耆老人等覽所言具悉卿等憂在國家

社稷誠意懇切但予熒熒在疚五內崩摧豈忍遽卽

真宗除業

諭禮部具卽位儀令

不成化二十三年九

月初一日

洪惟

祖宗創業垂統傳繼萬年茲者不幸

皇考大行皇帝上賓遺命承緒顧抱痛方殷不忍遽
承爾宗親文武羣臣軍民耆老奉箋勸進至
再至三永惟

宗社生民之重寄
皇考遺命之難違不得已勉徇所請爾禮部擇日遣

官祇告

天地

宗廟

社稷予卽皇帝位其具儀來聞如令奉行

登極改元大赦詔

初六日
成化二十三年九月

奉

天承運

皇帝詔曰惟我

祖宗聖聖相承膺

天明命爲華夷主其創業守成神功聖德誠卓越往

古矣暨我

皇考大行皇帝嗣統深仁厚澤覆冒海隅二紀于茲

皇明言令卷之十一
而憂勤求治之心宵旰靡遑因臻違豫遽出
綴衣忍聞憑几之言猥以神器之屬哀疚方
殷罔知攸措時親王文武羣臣下及耆老軍
民合詞伏闕勸進者至于再三辭拒弗獲乃
遵

遣命以九月初六日祇告

天地

宗廟

社稷卽皇帝位顧茲付托之重深懼任負之難勉圖
弘濟一惟恢弘治道惠綏黎元用底阜成躋

于熙皞庶衍

皇明億萬年無疆之祚其以明年爲弘治元年夫當
一居正體元之初宣布更新卹下之典所有合
行事宜開列于后

一自成化二十三年九月初六日昧爽以前官
吏軍民人等有犯除謀反叛逆子孫謀殺祖
父母父母妻妾殺夫奴婢殺主謀故殺人蠱
毒魘魅強盜奸惡并失機不赦外其餘已未
發覺已未結正罪無大小咸赦除之敢有以
一赦前事相告言者以其罪罪之

一文武官吏監生生員知印承差旗軍舍餘人
等有爲事發立功哨瞭運磚運灰運炭追罰
馬疋做工納米擺站煎鹽炒鐵發充軍伴儀
從膳夫等項悉皆放免各還職役寧家隨住
其文職官吏監生知印承差原犯貪淫者發
回原籍爲民武職原犯侵欺枉法并科斂害
軍者仍於原衛帶俸差操不許管軍管事

一鹽糧國用所資近年以來欽賞數多及被內
外勢要之人奏討奏買存積常股盤割私餘
鹽斤攬越支賣夾帶私販以致上損國課下

奉民財詔書到日各該巡鹽巡按御史卽查
前項鹽課除已支賣外其未支掣者各住支
還官今後行鹽各照地方不許越境販賣各
邊開中引鹽及糴賣糧草俱不許勢要及內
外官員之家求討占窩領價上納亦不許巡
撫管糧等官徇情受囑違者巡按御史糾舉
一在京各營在外各邊及各處軍衛有司騎操
孳牧寄養走遞馬騾驢牛並種馬馬駒四戶
馬自成化二十一年十二月以前一應虧欠
被盜埋沒等項并有例停候買補者悉皆蠲

免若有補在官者照例起解交收該管人員
敢有交通作弊事發治以贓罪

一 成化二十一年十二月以前各處拖欠稅糧
馬草荻青草束屯糧子粒農桑絲絹門攤商
稅戶口食鹽米鈔諸色課程銀課魚課差發
金銀供用廚料菓品并上林苑監牲口等項
并一應歲辦買辦物料藥材除已徵在官者
照例送納未徵之數盡行蠲免

一 各處一應歲辦坐派拖欠生漆桐油翠毛藍
靛烏梅槐花梔子魚油翎鰓折納黃白麻銀

硃生熟銅鐵金箔銀絲鐵線紅花茜草棕毛
圓藤杉楠檀椶榆槐等木猫箏等竹軟篾荆
條簕葉苧麻連包芒苗苕箒竹掃箒葛稽麥
穗稻皮松香沙葉白硝雜皮驢皮前截羊毛
羊角水牛皮底皮黃真牛皮水和炭煤炸瀛沙
土硝磁末毛纓白猪鬃雲母石野味缸鐔高
頭等紙黑鉛青綠等項顏料并福建浙江歲
辦課鐵自成化二十二年二月以前未徵者
悉皆蠲免已徵者照數起解該部另項收貯
以備別用敢有將已徵捏作未徵者治以重

罪其明年歲辦之數以十分爲率量免五分以寬民力

一官吏軍民人等原犯真犯死罪充軍逃回不首例該仍照原問死罪處決者并原犯雜犯死罪已下充軍逃回例該枷號三箇月改發極邊衛分充軍者俱免處死枷號改調仍各發充軍衛分着役

一成化二十一年十二月以前各處鹽運司鹽課提舉司拖欠鹽課悉與除豁其有被水淹沒鹽課曾經風憲官勘實及折罰鹽糧年久

追徵未完客商失截角退引亦皆免追

一內外各營各衛所各邊在逃官旗軍餘舍人等并輪班官軍不遲脫班者俱限兩箇月以裏赴官出首俱免問罪罰班仍發原處管事差操若過期不首俱照舊問罪罰班補操

一成化二十三年各處奏報水旱災傷曾經巡撫巡按都布按三司官具奏勘實者該納糧草備開戶部卽與停徵若勘報扶同妄免稅糧治以重罪

一各處衛所歲造軍器并有司該造弓箭絃條

自成化二十二年以前拖欠未免者悉免補造其收過有司物料准作以後年分該辦之數敢有因而侵欺者治以重罪

一易州山廠管工官員夫頭人等自成化二十一年以前領運柴炭價銀被攬頭誑拐在逃本身已死負累家屬監追年久曾經奏報者查勘明白悉免追賠

一在京在外各衙門見監囚犯有監追贓物未完者除侵盜係官錢糧誑騙強索人財物應該還官給主照舊監追外其餘彼此俱罪一

應入官之贓悉免追徵事未發覺者以後事發俱照此例其強盜追無贓仗年久不得結正及人命無屍檢驗并累訴冤枉者具實奏聞區處

一各處地方山場河蕩軍民開懇管業已久近年以來多被權豪勢要之家及奸詐無藉之徒侵占投獻雖有禁約事例多不遵守以致小民受害無伸詔書到日限一月以裏退還敢有不遵并今後仍前爭占投獻者許被害之人告理照例治以重罪如有賣絕立契明

白不在此例

一陝西山西河南等處軍民之家先因饑荒逃移及將妻妾子女典賣與人者詔書到日有司曉諭所屬富家但有買到收畱婦女幼男許令首官審實籍貫官給原價贖取聽其歸宗完聚無主及願畱者聽如有隱匿不行疎放者治罪其有拋荒田地該徵稅糧悉皆停免聽有力之家耕種代納原主復業卽便退還不許占管

一各處織造紵絲紗羅綾紬等項除額辦歲造

并工部奏派之數照舊解運外其餘蘇杭嘉湖並應天府等處差人坐守織造者悉皆停免已織完者照數起解未完者並已徵物料交與所在官司准作歲造內支差去內外人員卽便回京違者罪之

一自天順八年正月以後官吏監生承差人等爲事充軍例該止終本身及問發口外爲民者所司查勘明白放回原衛原籍爲民隨住一在外鎮守守備內外等官近年假以進貢爲名僉取民間阜隸出辦銀兩貽害地方今後

皇明司... 卷之十一
不許額外進貢沿途擾害軍民阜隸革罷

一各處軍解領批違限一年之上例該充軍者
悉宥其罪照舊起解再違者仍發充軍

一近年軍民舍餘人等有例許於陝西山西河
南等處納粟與做軍職就往彼處衛所支俸
一石果有經隔原籍路遠者聽其告改附近
衛所以省邊儲

一兩廣雲南貴州福建遠處武職子孫有因人
文不曾到部已過十年之外例不該襲者果
係親男子弟姪該衛卽與保勘明白起送赴

部查照相同俱與冠帶名爲冠帶舍人仍於
原衛所收操俱支月糧一石有功照例陞賞
一江西浙江福建湖廣等處未獲強盜除首惡
外其脅從者詔書到日許自首免罪有能綁
出首惡照不係應捕人員功次陞賞仍量給
本犯財產

一兩京文職官員自成化十一年以後至成化
二十三年九月初六日以前除被劾特旨降
調外給事中御史有因言事及公錯並公事
註誤特旨降調吏部通查調者陞一級降者

對原品調任爲民者冠帶閑住充軍者放回
爲民其有司因考察報稱貪酷黜爲民者亦
與冠帶閑住

一京營官軍拱護朝廷所係甚重近年多因做
工疲勞已極合候脩

陵畢日專一操練敢有擅便奏討做工者聽
科道官劾奏

一騰驤等四衛餘丁人役不許泛濫投充勇士
正軍虛費糧賞其各衛所餘丁止許充本衛
所軍不許妄充各監局人匠脫免祖軍及內

外正軍不許充將軍其舍餘民匠人等投充將軍試量身力不及者發回當差不許投充校尉違者罪之

一各衙門住坐軍民匠有因事故在逃並輪班人匠先爲災傷流移及出贅過繼年幼紀錄埋沒並遺失勘合等項以致拖欠班次者詔書到日限三箇月以裏赴於所在官司首告給與明文赴京免其問罪住坐者送原役衙門上工輪班者自今年八月以前俱免罰班其當該罰班者一體寬免俱止當正工三

箇月

一在外給由官吏因公致罪紀錄過名吏部俱與除免照例陞用收考其吏典三考滿日考試不中者給與冠帶閑住其寄名聽取中間有老疾者聽所在官司正官從公揀退爲民堪用者聽候取用

一給由給假起服等項官吏人等除例限外有違一月之上者雖無文憑免其問罪其吏典或因地方災傷及告上納糧草違限例該重歷者悉免重歷已發重歷者聽撥實歷

一 內外文職官員署職試職悉與實授後不爲例

一 自天順八年正月以前內外武官功陞試職署職遇例實授該世襲者子孫仍舊照例世襲其未實授以功陞試職署職並署總小旗悉與實授後不爲例原支俸一石者給與半俸應襲替子孫照見奏行例仍試職署職支俸

一 官吏人等有被人告訐並招攀贓私罪名照提未到年久逃躲不肯出官者悉免其罪官

吏仍革職役爲民其見行勘提者仍問理明白奏請發落

一各處布政司並南北直隸處所軍民詞訟除謀逆並盜賊攻陷地方重情外其餘一應輕重事情須要自下而上陳告若驀越來京奏告者法司照例問罪將所奏情詞類行原籍官司問理干礙司府衛所州縣者行巡按御史或巡撫都御史問理不許輒便擬奏差官提勘攪擾軍民

一蘭州臨清鎮守四川管銀課江西燒造饒器

廣東新添守珠池內官悉令回京提督太岳
太和山潘記瀾江市舶提舉司林槐并原守
珠池內官各照舊俱不許分守地方兼理海
道勅書繳換

一武臣與內官同守一方一省者皆名鎮守掛
印武臣得名總兵官副叅皆名協守副叅武
臣與內官同守數城并大關者皆名分守其
餘武臣與內官同守一城者皆名守備已有
定制體統不紊兵部查有僭稱鎮守并總兵
官名色及妄請關防符驗者悉令改正繳還

原有關防換與其鎮守等官奏帶家人頭目止許五名過多者查取回京

一各處守備漕運把總有以指揮照都指揮體統行事者俱與署都指揮僉事以後果有軍功仍從舊職陞用遇有更代俱由兵部推選其餘非軍功者照舊不許擬陞

一近年以來天下軍民財力困竭各處一應造作除城垣墩臺關隘倉廩運河等項例該修理及有修理未完者所司指實具奏定奪外其餘內外衙門修建寺塔庵觀廟宇房屋墻

垣等項一應不急之務悉皆停止不許擅自
移文興工差去蓋造襄府內外官員着同巡
撫官提督布按二司委官照舊制脩蓋其在
外軍衛有司非奉朝廷明文一夫不許擅役
一錢不許擅科違者治以重罪

一慶豐等四閘事簡官多今後慶豐閘官吏止
各畱一人通管四閘其餘送吏部調撥內懷
慶人夫八十名路遠應役不便每名一年該
辦銀七兩領解工部交收顧夫應役

一內外官員軍民僧道人等今後不許指以古

跡輒便奏討脩蓋寺觀名額護勅因而占奪
軍民地土如有已曾奏准未脩蓋者即便停
止違者治以重罪

一在京武職除近選軍政並會保將材外其餘
有願告還外衛所者許告送部訪察行止擬
相應地方見任雜差每一衛一所不過三員
如材堪軍政聽巡撫巡按等官考選

一各處帝王陵寢及名臣賢人墳墓有被人毀
發者所在有司即時脩理如舊令附近人民
一丁看護免其差役其餘墳墓露棺暴骨者

悉與掩埋

一給事中御史職當言路凡朝廷政事得失天下軍民利病許諸人直言無隱文武官員貪酷奸邪者許指陳實跡糾劾不許假以風聞挾私妄言違者依律治罪

一在京在外官員先因有過被劾及致仕冠帶閑住者聞喪之日止於所在官司舉哀不許指以進香爲由赴闕營求再用違者罪之

一舉用賢才爲政首務天下有司官員有才行超卓屈在下僚者許六部都察院通政司大

理寺堂上及該巡撫巡按官舉保聽吏部量才擢用

一以上恩典詔書到日有司即便奉行如有延緩者以違制論許巡按御史察究問罪

於戲

祖宗皇考大經大法啓佑我後人者纖悉具至繹思體行在于眇躬尚賴遠邇宗親內外忠良同德一心恪恭乃事以輔予之不逮誕告多方使咸知悉

上尊諡

成化二十三年九月二十二日

奉

天承運

皇帝詔曰自古帝王功德隆盛皆有美謚以昭垂於

萬世此不易之令典也洪惟

皇考大行皇帝

英資神武

至性寬仁首儲養以繫人心繼定位而正

天序緝熙聖學躬勤政幾法

祖敬

天尊

親致養恩諒篤於宗室惠澤溥于黎元舉賢能而疏
遠無遺慎兵刑而威德宣布歷年二紀治底
雍熙華夏戎夷罔不歸戴揆茲

功德邁古帝王遠矣不幸奄忽

上賓臣民慟慕顧予哀疚彌切敢緩追崇謹命在廷
文武羣臣稽古禮文議薦

諡號博叅輿論允協至公乃於九月十九日祇告

天地

宗廟

社稷奉

冊寶恭上

皇考大行皇帝尊諡

繼天凝道誠明仁敬崇文肅武宏德至孝純皇帝廟

號

憲宗嗚呼

乾坤高厚曷能擬其形容

日月光華尚同顯於悠久布告天下咸使聞知

上尊號

成化二十三年十月初十日

奉

天承運

皇帝詔曰孝莫大於尊親政必先於正名禮典具存
古今攸重朕躬承丕緒統御華夷務惇叙於
大倫式恢弘於化理仰惟

皇祖母聖慈仁壽皇太后懿德配天慶鍾

先帝茂隆國祚保育眇躬

聖母皇后貞靜柔慈含弘光大賢踰樛木愛軼螽斯
肆予克底有成寔賴

二聖撫迪擁佑所致也厚德深仁罔極莫報允惟兼
養以天下則必各極其

尊稱續紹之初舉行敢後謹於今月初九日率籲文

武臣工寅奉金冊金寶尊上顯號

皇祖母曰

聖慈仁壽太皇太后

母后曰

皇太后乃若相禋助養必資內德之賢爰冊妃張氏
爲皇后用襄內治表正中宮大禮旣成湛恩
斯溥所有合行事宜條示于後

一自成化二十三年九月初六日以後內外衙
門問擬囚犯除死罪并已發落外其餘該犯
徒流以下詔書到日悉宥其罪文職官吏監

生生員承差知印陰陽醫生有犯貪淫及武職有犯敗倫傷化例該爲民及帶俸差操者俱照原擬發落該充軍者爲民該立功調衛者俱照原衛帶俸差操其未到官者仍提問擬明白俱照前例發落原奉

旨勘問者奏請定奪

一內外武職總小旗有因奏言不干已事並供指叅稱致罪降級改調閑住等項不係黨與者各還職役回衛帶俸差操文職自成化十二年以後有因緝訪誣誤不係貪淫改調外

任及致仕者該部查奏定奪其奉特旨調任降級者果有才識超卓量材舉用

一在京各衛所有軍民舍餘人等冒投軍役事發間擬明白監追關過月糧冬衣布花等項未完者悉皆放免

一在外各倉場官攢人等有虧折糧草監追年久除侵盜虛出等項照舊監追外其有浥爛損折者悉免追賠後不爲例

一內外軍職緣事革去見任五年以上有能改過自新者在內從該部在外從巡撫巡按官

訪察得實具奏許復見任

一軍職先年降調發遣兩廣等處病故者子孫
爲因路遠不能承襲許令原衛承襲帶俸差
操

一內外衛所軍士月糧多被該管官旗假以公
用爲名扣除尅減以致軍士不得全支及在
外沿邊收糧官攢人等通同勢要親屬包攬
插和沙土糠粃虛出通關致令倉廩空虛所
在風憲官訪察拿問追究治以重罪

一朝廷憫念小民凡事減省今後不許差人出

外買辦採辦物件有司不許仍前指以均徭
公用爲由科歛銀兩罰取財物因而克落入
已司府州縣官員亦不許額外多僉皂隸侵
漁小民但有違者巡撫巡按官體訪叅奏拏
問

一各邊空閑田地曾經踏勘丈量造冊在部爲
屯田徵收子粒者後又改將子粒爲買補官
馬花費戶部行令改正照舊徵納其有釋放
軍伍遺下屯糧負累官旗賠納者巡撫巡按
官查勘除豁

一農務至重有司時加課督所在陂塘宜以修築以備旱澇其田畝有因大水衝決虛賾稅糧許具告勘實照例除豁其有泥沙壅積荒閑田地開墾成熟許自首起科不許隱占違者罪之

一軍民之中有懷材抱德堪爲任用隱於山林者許府州縣官從公舉送吏部以憑劾實考用不許徇私濫舉

一府州縣官有廉能公正撫字勤勞者巡撫巡按并布按二司具奏旌擢如有罷軟老疾不

能任事者考察放回致仕閑住貪暴者拿問
如律兩京國子監官並在外學官中有才識
堪任風憲并府佐州縣正員者吏部照舊推
舉毋得徧徇好惡黜陟不公

一各處有等主文書筭快手皂隸總甲門禁庫
子人等久戀衙門說事過錢把持官府起滅
詞訟灑派稅糧買放強盜誣執平民陷害良
善者巡撫巡按布按二司官訪察拿問發邊
遠充軍

一軍民之家五世以上同居共爨不分者有司

勘實奏聞旌表以勵風俗詔書到日先給羊酒獎勵

一天下祀典神祇所以保庇生民有司務在誠敬奉祀壇廟損壞隨卽修理不致褻瀆廢弛一各處學校有司宜加勸勉其廩膳生員累考文理不通者及增廣年至二十五六在學六年無進益者照例黜退別選俊秀作養務底成才

一沿邊并各處賊盜不時侵掠生發所在軍衛有司須量力以時修築城池樓櫓用備不虞

一各處分守守備兵備管糧內外官員自天順
元年以後添設數多可併省者該部查奏取
回別用

一天下大小衙門政務如有利所當興弊所當
革者所在官員人等指實條奏以聞

一前後詔書寬恤恩典及合行政務有司當卽
遵行不許視爲故事

嗚呼立愛惟親德教弘敷於四海正家有道皇祚
茂衍於萬年誕告多方咸知

朕意

皇明諸年

二十一

恤刑勅

弘治二年七月二十三日

朕惟刑者民命所關古先帝王莫不致謹於斯蓋以刑獄清則民心服天道順或一夫含冤致診所不免也朕爲天下生民主仰體

上天好生之心每於刑獄加寬恤焉尙慮民情狡詐多端隱慝未易遽察問刑者各據其原詞審錄者多拘於成案人命或因鬪毆誤殺而檢勘者輒以爲謀故盜賊或係搶奪拒捕而巡撫者遂以爲強劫中間又有出於緝訪者又煉旣成孰與辯理及至照勘仍舊回報以此

冤濫無伸不無致傷和氣邇者京城雨水爲災南京有大風雷雨之異

上天示戒得非由於此乎書曰與其殺不辜寧失不經朕恆體念不忘今特命爾三法司堂上官將見監問重囚逐一再加審錄凡人命無屍可檢或屍朽而難辯盜賊追無贓杖或有贓而非真或情法不相當或情罪可矜疑或累訴冤枉而不伏或久挨證佐而未獲備開緊要情節具奏區處審問之際尤須詳察言詞旁詢知證而斷之以理毋避嫌疑毋任好惡

母視權要以爲重輕母畏難究不加辯析務
得實情以全民命其原問審官吏故入平人
等罪及巡捕人員邀功妄拿者悉從寬宥不
必追問爾受茲委任其悉心殫慮斷以決之
恕以行之俾無冤抑庶稱朕好生之意而
天心可格災沴可弭矣欽哉故諭

修省勅

弘治三年十二月初四日

朕嗣承

祖宗大統三年于今雖夙夜孜孜究圖化理而績効
未著心恆歉然茲者

上天垂戒彗星見于天津朕甚憂之修省恐懼莫測
所自蓋朕德涼薄行事乖違天特示懼以警
之歟抑邪慝將萌兆驗先現故天勤戒朕思
所以消弭之歟抑亦政事缺失軍民困苦朕
與爾文武羣臣交修之道未至而惠澤不下
敷歟惟事關朕躬者朕已齋沐告

天省己修德期消變異而爾等食朕之祿寔同休戚
可不痛加修省歟今各宜修舉職業毋或因
循懈惰廉慎節操毋或背公徇私凡軍民利
病時政得失可以興革張弛者爾文武大臣

並科道官仍條奏來聞務在切實可行於國
有益庶幾上下協盡交修之道而人心忻慰
天意可回矣其勉之慎之故諭

恤刑勅

弘治四年二月二十四日

朕惟刑以輔治用之貴得其平刑平則善有
所勸惡有所懲而人心服天道和不平則不
足以勸善懲惡而人心不服天道致乖災變
之來誠有不能免焉曩因示異曾勅天下諸
司審錄重刑發落過情可矜疑及准辯者奚
翅數十百人雖曰勿拘成案原問官亦不坐

罪此特廣仁愛之意欲全民命爾其間實有
推鞠不真而失入死罪者然亦有無可疑而
強爲出脫者要之皆非大中至正之道茲當
萬物發生之時朕體

天地好生之德以爲刑者民命所繫與其寬之於終
孰若謹之於始故特命爾等各加敬慎仍行
兩京三法司及天下大小間刑衙門今後問
刑之際務在存心以仁恕持法以公平察詞
辯色詳審其情罪所當重者重之以懲大惡
毋務姑息不顧縱惡長姦之非罪所當輕者

輕之以宥小過母事苛刻而致有抑鬱稱冤
之嘆其或証驗無憑情隱難明者尤當加意
推究毋傳訛於一時而冀不坐罪於他日如
此庶不背古聖人欽恤之訓而於朕刑期無
刑之治亦有裨益焉爾等其欽承之母忽故
諭

恤刑勅

弘治四年四月三十日

朕惟刑獄重事自古帝王必致謹於斯蓋以
刑得其平則足以輔治弼教召天地之和刑
失其平則冤抑無伸感災致沴亦有所不免

焉朕爲民主仰體

上天好生之德每於刑獄特加愼重茲當天氣炎熱之時慮恐輕重罪囚或有冤抑不無致傷和氣特命爾公同三法司堂上官將見監問罪囚逐一從公審錄死罪情真罪當者照例監候聽決其有情可矜罪可疑事無證佐可結正并枷號者具奏處置徒流以下便減等發落答罪的都放了母令淹滯審問之際尤須詳察言詞旁詢知證而折之以理母惑於浮言母拘於成案務得實情以全民命其原勘

問官有故失人等罪俱不追究爾受茲委任
務殫心悉慮以稱朕好生之意庶幾

天心昭格和氣致祥有期焉爾其欽哉故諭

降誕皇儲詔

弘治四年九月二十四日

奉

天承運

皇帝詔曰朕承

祖宗鴻業君主華夷於今四載深惟德有未修澤靡
下究無以安養元元恐負

祖宗之付托用是夙夜憂勤勉圖化理罔敢怠遑茲

者荷蒙

上天錫佑福慶駢臻

祖考垂休本枝茂衍乃於今年九月二十四日

皇后正宮誕生元子

神人胥慶遠邇同懽上有以慰

聖祖母

母后之心下有以副中外臣民之望惟人心之和輯

世道斯隆惟

宗社之靈長國本愈固詔諭天下咸使聞知

立皇太子詔

弘治五年三月初八日

奉

天承運

皇帝詔曰帝王統御天下必立儲嗣以定國本繫人心期能長治久安而綿鴻業於無疆也朕繼祖宗天序登極五年夙夜憂勤恭膺

天眷元子厚覽軒龍毓秀姿表異常福慶攸鍾華夷均戴茲者皇親公侯駙馬伯文武羣臣累表率籲勸請立儲朕俯鑑惓誠仰承

慈訓皆謂主器不可以久虛輿情不可以固拒事在當舉理難終辭爰擇日祇告

上下神祇授厚賜以冊寶立爲皇太子正位東宮益

增

九廟之光丕衍萬年之祚國家大典中外同懽宜敷
茂恩用慰顒望所有合行寬恤事條開示于
後

一自弘治五年三月初八日昧爽以前官吏軍
民人等有犯除謀反叛逆子孫謀殺祖父母
父母妻妾殺夫奴婢殺主蠱毒魘魅毒藥殺
人強盜人命黨惡及十惡至死罪者不赦外
其餘已發覺未發覺已結正未結正罪無大

小咸赦除之敢有以赦前事相告言者以其罪罪之

一文武官吏監生知印承差生員校尉軍民人等有爲事見發立功運磚運灰運炭納米拘役枷號罰馬做工擺站煎鹽炒鐵哨瞭及充軍伴儀從膳夫等項悉皆放免各還職役寧家隨住軍職例該帶俸差操者悉照原擬不許管軍管事文職官吏人等有犯貪淫酷暴及行止有虧者悉發原籍爲民見被提問該發立功等項者仍候歸結一體免罪發落

一文武官吏軍民人等自成化二十三年九月初六日以後有爲事間發充軍編發爲民者除叛逆強竊盜搶奪失機人命贓私左道亂政盜關內府財物撥置王府及眞犯死罪者不赦外其餘悉與宥免各還原衛原役寧家隨住其爲民者文職非脫逃犯贓罪及行止有虧武職非懼罪在逃敗倫傷化者俱與冠帶閑住

一各處拖欠稅糧馬草荻菁草束屯田子粒農桑絲絹門攤商稅戶口鹽鈔魚課茶課差撥

銀兩折糧諸色顏料并供應廚料菓品等項
除已徵在官者外其小民拖欠未徵者自弘
治二年十二月以前盡行蠲免見今差去催
償主事等官就着回京去歲各處奏報災傷
曾經覆勘明白戶部奏准照例遞減仍令徵
納者俱照巡撫巡按等官勘定分數悉與除
豁以甦民困其有已徵在官者准作本戶下
年之數有司官吏敢有已徵捏作未徵者治
以重罪

一弘治元年十二月以前各處鹽運司提舉司

拖欠鹽課悉與除豁若有被水消折曾經風
憲官勘實及折罰鹽糧年久追徵未完或客
商失落截角退引並皆免追其竈戶煎辦艱
苦有司不許科派雜泛差役

一各處分守守備等官中間有指揮以都指揮
體統行事者量與署職以便行事

一太廟配享開國功臣追封王爵者俱輔佐

太祖高皇帝平定天下有大勲勞之人今其子孫有
不沾寸祿與編民無異者該部查勘明白具
實以聞量加恩典俾奉其祀

一在京各營在外各邊并順天應天南北直隸
河南山東各處軍衛有司騎操孳牧寄養走
遞馬騾驢牛并種馬駒自弘治元年十二月
以前一應虧欠倒死被盜埋沒等項并有例
亭候買補者悉皆蠲免有已補在官之數照
起解交收該管人員敢有通同作弊者事
例發治以贓罪

一各處額辦派辦物料除軍需應用器皿外其
餘硃漆油麻銅青銅鐵等線翎鰓梔子槐花
烏梅藍靛翠毛簪葉圓藤芭苗茗竹掃等簾

黃穰棕毛荆條葛稽蘆蓆蒲草麥穗稻皮松
香沙葉苧麻茜草白水通草杉栢松榆槐椶
等木笙水長節苦實心苗等竹軟篾板枋白
硝雜皮水牛底等皮阜縐紗水膠墨煤雜草
羊毛羊角牛觔牛角煤炸瀛沙磁末毛嬰白
猪鬃雲母石餅鐔高頭纈白枊等紙等項自
弘治二年十二月以前拖欠未徵者悉與蠲
免已徵在官者仍解本部并各處收貯以備
別用

一內外衙門近年坐派柴炭數多軍民出辦艱

難明年以十分爲率量減三分有司衛所解到夫價止收正數不許分外多收

一各處先年爲因災傷小民拖欠稅糧草束馬匹物料等項有司畏罪捏作已徵及虛文起解雖遇赦例以在官之數仍前追徵不與分豁者詔書到日巡撫巡按官務要同心查勘是實者悉免追徵

一在京在外各衙門見監囚犯有監追贓物未完者除侵欺包攬係官錢糧及誑騙索取人財物應該還官給主者照舊監追外其餘一

應贓物不多者悉免追徵果係家道貧乏別無產業追賠者所司具實奏請定奪

一在京宣課司監收商稅官員今年收受太重以致商販阻滯人情不堪今後只照舊例監收不許分外搜求有傷治體

一光祿供應牲口各該司府州縣有年遠拖欠追徵見在官者仍令解納其餘未完者自弘治元年十二月以前悉免追徵及順天府磨戶拖欠光祿寺白麵見奏監追未完果係隻身貧難並逃亡死絕者悉皆免追

一浙江福建等處歲辦銀課近年以來礦脉微細亦有盡絕者累及百姓辦納十分艱苦詔書到日所司踏勘明白應除豁者卽與除豁應減免者量數減免仍將新舊礦穴填塞不許私採以弭弊端

一各處王府及鎮守巡撫并司府州縣私自僉報菜戶魚戶柴戶屠戶等項終歲供辦負累小民者詔書到日卽便放免若該僉者所司具奏定奪順天府所屬人民多有私自投充陵戶海戶及勇士校尉廚軍躲避糧差負累

見在人戶貧難者所司查出除本役外其戶
下人丁照田納糧當差已後不許私自投充
一山東河南陝西等處人民近年以來有因饑
荒逃往荆襄等處深山潛住不行復業者詔
書到日聽各回原籍復業其撫治都御史行
令沿途有司量給口糧原籍官司務加存恤
優免糧差三年公私債戶不許追取違者罪
之

一各處衛所歲造軍器并有司該造弓箭弦條
自弘治三年十二月以前拖欠未完者悉皆停

皇明言 卷之十一
三十二
免其關過並已徵在官物料聽巡撫巡按分
巡官查盤見數行令如法收貯准作以後年
分成造之數

一成化二十三年九月初六日以後給事中有
因言事及公錯註誤降調外任者各巡撫巡
按官查勘果有不改初心別無違碍者具名
奏行吏部仍照原任京職事例重加擢用

一武職總小旗自成化二十三年以後爲事調
衛者除盜關內府財物撥置親王及事關邊
情特旨除調者不宥外其餘悉以原職并降

定職回還原衛帶俸差操係近侍衙門者改
註在京衛分

一住坐軍伍民匠在逃詔書到日限三箇月以
裏首告與免本罪俱送原役衙門上工若有
單丁年六十以上及未及六十而篤疾不堪
工作所司驗實疎放丁盡戶絕者卽與具奏
除豁其輪班人匠除假班外自成化二十三
年十二月以前失班者悉皆寬免弘治四年
十二月以前失班者俱免罰工止當正班

一近年以來內外營造土木之工太繁勞人傷

財軍民嗟怨今後除不得已工程責限脩理其餘但在得己並不急工作俱暫停止

一兩京文職五品以上致仕年及七十者進散官一階三品以上被劾閑住年七十者令致仕

一文武官署職試職年半以上者與實授不及年半者扣至年半亦許照例實授以後試者不在此例

一各處土官子孫襲替除十年之外纔方具告者不許外若十年之內曾在本處上司具告

展轉駁勘明白以致延遲雖在十年之外公文到部如果保勘明白別無詐冒者亦准承襲其不准承襲掌印正官應否改設流官鎮守巡按三司等官會叅定奪

一內外衙門問發重歷起送該部照例辦事滿日撥補京考以後違限者仍照舊例重歷一內外衙門在逃官軍人等限三箇月以裏赴官自首與免本罪復還職役操差有應罰班補操者悉與寬免

一勦戚勢要之家有例不許霸占關廂渡口橋

梁水陂及開設鋪店販賣鈔貫抽要柴薪勒
捐擺渡牙保水利等錢侵害小民違者許巡
城巡按并該管地方官員叅究治罪行之年
久人心玩易其再與申明嚴加禁約

一兩京甲字等十庫各有額設庫夫互相借用
遇有交盤庫藏進寶鈔并夏日曬晾物件等
項止許照舊例於各庫見在庫夫互相借用
不許再行順天府等僉派人夫科擾害民
一在京在外文武官員總小旗吏典有因事住
支俸糧者悉照舊關支

一民七十以上者與免一丁侍養八十以上者有司給與綿布二疋綿花二斤九十以上者給與冠帶榮身仍一體優免一丁侍養若有鰥寡孤獨之人有司依例存恤毋致失所在京養濟院收養者給米四斗

一各處孝子順孫義夫節婦曾經旌表見在者所司各賜米一石布一疋孝子有出仕者除在任外若有致仕閑住等項及坐監監生各衙門吏典人等亦照例給賜見在聽選官監生內有曾經旌表孝子者吏部查勘是實不

拘資次卽與選用後不爲例

一各處納粟義官有司以禮相待不許擅自差使及肆行凌虐多般勒罰擾害以致人心不肯尙義如或有犯除重罪外其餘徒杖以下問以應得罪名不許革去冠帶以勵將來

一福建兩廣雲南貴州等處近年有未獲賊徒逃避山林者許出官自首悉免其罪有司時加恤撫俾安生理其執迷不復者聽鎮巡總兵等官勦殺

一天下軍民利病許諸人直言無隱

於戲元良建而萬國以貞治隆熙皞霖澤濡而

率土斯潤化洽

纖洪誥告多方咸使聞知

天熱減刑旨

弘治六年四月二十五日

太監韋泰傳奉

聖旨如今天氣暄熱兩法司錦衣衛見監囚犯笞罪
無干證的便放了徒流以下的減等發落重
囚可矜疑并枷號的都寫來看欽此

省躬勅

弘治六年四月二十七日

朕以涼德纘承

祖宗鴻業宵旰靡寧圖惟治理比者

天道弗順自去冬迄今亢旱踰時田苗枯槁民庶驚惶朕甚憂懼己嘗齋心露禱及遣官祭告天地神祇而連日狂風屢作雨澤少降揆厥所由豈朕與爾文武羣臣交脩之道猶有所未至耶自今事關朕躬者朕當究循而行之而爾等與朕共理天事休戚惟均亦宜痛加脩省革其背公徇私之弊警其因循怠惰之習固其廉恥不渝之節凡軍民利病時政得失有可以興革者爾文武羣臣并科道仍條奏

來聞務臻實效毋事虛文用佐朕之不逮庶
人事修而

天意可回矣欽哉故諭

恤刑勅

弘治六年四月二十七日

朕承

天地

祖宗付託爲天下生民主念惟刑獄民命所關聞死
者不可復生每於獄成來上未嘗不留意焉
柰何近年以來典刑獄者罔體朕意聽斷鞠
問或不以公道議擬比附或不合律條出入

任情輕重失當以致冤抑無訴怨譴繁興陰
陽失和而水旱荐至未必不由於此特降勅
爾等自今凡聽獄之際宜以欽恤存心明慎
爲務情可矜疑者卽與辯之事有冤枉者卽
與伸之母拘成案而過於慘刻毋徇私情而
失之姑息使刑罰得中人心悅服可以感召
天地之和氣而延長國家之命脉矣或苟不此之慮
以深刻爲功以苛暴爲能刑獄冤濫害及無
辜則國有常憲罪何所逃爾等其戒之慎之
故諭

清寧宮災修省勅

弘治十一年十月二

十五日

朕惟天道人事相爲之機捷於影響甚可畏也邇者

上天示戒災異頻仍乃弘治十一年十月十二日清寧宮災中夜達旦朕心驚懼寢食靡寧慮有愆違上干和氣脩省數日莫究所由茲特齋心竭誠遣官祭告

天地

太廟

社稷

山川爾文武羣臣有官守言責皆與朕共天職者宜
各省躬思咎去垢滌汚殫心効力毋得因循
怠玩若罔聞知凡百司弊政姦貪顯跡及一
應軍民利病皆直切指陳無有所隱以助朕
勵精之治答

上天仁愛之心綿國家億萬載隆長之祚欽哉故諭
清寧宮災寬恤詔

弘治十一年十二月

三十一日

奉

天承運

皇帝詔曰朕祇承

天序嗣

祖宗鴻業一紀于茲宵旰憂勤罔敢逸豫而位育之
効猶未有臻累歲以來災異相仍近者清寧
宮之火其變尤甚朕心兢懼若切淵冰意必
人事下乖斯

天道上應其或舉措違宜刑賞靡當時弊滋積民隱
莫伸或賦役頻繁侵漁太急困窮鰥寡日不
聊生以致然歟朕深居九重雖慮周天下而

耳目有不逮恩澤有未宣服念踰時益增悔
艾已勅文武羣臣同加脩省茲特誕敷渙號
普及黔黎俾覆幬之區均沾德惠庶慰渴懸
之望永祈

眷祐之休所有寬恤事宜條列于後

一自弘治十一年十二月二十一日昧爽以前
官吏軍民人等有犯除謀反叛逆子孫謀殺
祖父母父母妻妾殺夫奴婢殺主蠱毒魘魅
強盜人命失機并事干邊情及十惡罪至死
者不赦外其餘已發覺未發覺已結正未結

正罪無大小咸赦除之敢有以赦前事相告
言者以其罪罪之

一文武官吏監生生員知印承差將軍力士旗
校軍民人等自弘治五年三月初八日以後
至弘治十一年十二月二十一日以前有爲
事間發立功哨瞭運磚運炭運石運灰納米
枷號罰馬做工擺站煎鹽炒鐵充儀從膳夫
等項悉皆放免各還職役肄業寧家隨住其
軍職例該帶俸降級革職文職官吏人等例
該爲民革役者各照原擬發落見被提問該

立功等項者仍候歸結一體免罪發落

一文武官吏監生知印人等自弘治五年三月初八日以後有爲事問發充軍者除黨逆強竊盜喇唬搶奪聚衆打搶失機人命持刃傷人指以各衙門打點誑騙財物左道亂政撥置王府及眞犯死罪不赦外其餘悉皆宥免放回原籍原衛寧家隨住文職有贓者爲民一各處拖欠稅糧馬草荻青草屯田子粒農桑絲絹門攤商稅魚課茶課鹽鈔棗子易米差發銀兩折糧諸色顏料并使用廚料果品牲

口藥材等項除已徵在官外其小民拖欠未
徵者自弘治八年十二月以前盡行蠲免有
司官吏敢有將已徵捏作未徵者治以重罪
其弘治十二年稅糧以十分爲率俱免二分
一順天府拖欠買辦措辦麥麵香油紙觔等物
弘治八年以前俱免查追各府及各布政司
除額辦軍需外其餘拖欠荆條葛稽翎鰓梔
子槐花烏梅藍靛翠毛箬葉圓藤芒苗茗竹
掃等筵黃穰櫻毛蘆葦蒲草麥穗稻皮松香
沙葉白通草榆槐椴棗等木長節苦實心水

等竹軟篾水膠墨煤羊角牛觔牛角毛嬰白
猪鬃雲母石等項自弘治五年十二月以前
小民拖欠未徵者悉與蠲免已徵在官者仍
解該部并本處收貯以備別用

一山東山西順天真定保定等處每年額僉易
州山廠砍柴夫拖欠夫價撫巡等官查勘如
果小民出辦不及未曾徵收在官者自弘治
五年以前俱與分豁其順天府霸州等處徵
收葦價九江等處催徵蘆柴銀兩曾經奏告
該部委官查勘明白具奏減免

一各處水冊沙壓等項田地稅糧負累人民賠納曾經具奏者巡撫巡按查勘明白照例除豁各處衛所有釋放軍伍遺下屯糧負累官旗賠納亦與查勘分豁

一在京各營及各處衛所有司騎操孳牧寄養走遞馬騾驢牛並駒自弘治五年十二月以前一應虧欠倒失被盜埋沒等項並有例停候買補者悉皆蠲免中間有該納價銀已徵在官之數照例起解該管官吏敢有通同侵欺作弊治以賊罪

一弘治元年十二月以前各處鹽運司並提舉司拖欠鹽課悉皆除豁其有被水淹沒及消折鹽課曾經風憲官勘實及折罰鹽糧年久追徵未完客商失落截角退引亦皆免追

一内外官司監追贓罰三年以上一應入官及給主者盡行蠲免其侵盜係官錢糧正犯身死家貧無追及查盤糧草腐朽浥爛虧折數多問罪監追者俱奏定奪

一強盜人命等項死罪重囚曾經法司巡撫巡按等官原奏情可矜疑未得寬免及行再問

者詔書到日覆審是實俱免罪照例充軍若
累經伸訴果有冤枉者毋拘成案卽與辯理
篤疾犯該死罪見監者悉皆宥免免死充軍
逃回仍照原問死罪處決者發極邊衛分充
軍以後逃者仍處以死

一陝西山西河南先因成化十九等年地方災
重百姓逃竄至今未獲復業遺下稅糧負累
見在人戶賠納巡按御史查勘明白有人承
佃者每一石折納銀二錢五分草一束折納
三分無人承佃各減半以甦民困

一軍職總小旗自弘治五年三月初八日以後
有爲事降級調衛者除宿娼行止有虧失機
並誣奏十人以上及舊例該載者不宥外其
餘悉皆以原職并降定職還回原衛帶俸差
操

一在京在外官員有因言事及公錯并公事註
誤調降爲民充軍者除近日有旨斟酌陞用
外其餘吏部通查調者陞一級降者對原品
調任爲民者冠帶閑住充軍者放回爲民

一各處逃軍逃匠逃囚人等自詔書到日爲始

限三箇月以裏於所在官司首告與免本罪
軍還原伍匠仍當匠民放寧家上操違限官
軍免罰班補操弘治十年以前失班人匠俱
免罰班

一各處軍衛有司管解逃軍軍丁赴衛違限一
年之上解人例發附近逃軍軍丁該發邊遠
衛分充軍者悉皆宥免解人發回原籍當差
逃軍軍丁仍發原衛着伍

一內外文武官員住俸帶罪者悉皆宥免照舊
關支任事

一給由官員因公事紀錄過名俱與除免吏典
見發重歷者免其重歷

一各處分守守備等官有指揮以都指揮體統
行事者量與署職以便行事

一兩京文職官員署職試職理刑者與實授歷
任未及考滿者與應得誥勅俱不爲例其曾
經奏准給與誥勅未曾關領因事降調非貪
淫酷刑者俱與原給誥勅

一舉用賢才爲政首務兩京科道部屬等衙門
官堪任方伯知府者各府都察院堂上者各

舉一二人 在外府州縣等衙門官并教官有
才行卓異 屈在下僚 堪任軍職者 巡撫巡按
及布按二司正官各舉一二員 俱從吏部斟
酌奏請 不次擢用 毋拘資格 不許徇私濫舉
一武備以將領爲先 近年累行天下 舉保將材
舉到者 小詔書到日 不分軍民職官人等 但
有諳曉韜略 熟閑弓馬 勇力過人 堪爲將官
者 巡撫巡按官訪取試驗 以禮起送 赴兵部
再考擢用

一山林隱逸之士 有懷材抱德 經明行修 衆所

推服者許本府州縣正官保舉巡按及布按
二司官覆實奏請送吏部量材擢用如所舉
不當保勘官員一體叅究

一兩京浙江蘇松等處織造各色花樣段疋紗
羅以十分爲率暫且停止五分以紓民困

一甘肅至遼東一帶守邊官軍弘治十二年該
關支折糧銀兩於時價上每石加一錢以濟
貧苦不爲例

一各處鰥寡孤獨之民有司存恤毋致失所其
貧難下戶例該優免者不許一槩當差

一三法司問囚近來條例太多人難遵守中間
有可行者三法司查擬停當條陳定奪其於
冗瑣難行者悉皆革去

一天下軍民利病時政缺失有可興可革者許
諸人直言無隱

於戲虞書以好生爲德尙體

天心夏訓以固本爲言必先民事詔告中外咸體朕
懷

免京官罪犯勅

弘治十一年十二月二

十五日

勅禮部三法司茲者新正在邇萬物咸寧在京見任文武羣臣除贓罪外自弘治十一年十二月二十二日以前所犯罪名紀錄在官者悉與湔除俾圖自新故勅

太后遺詔

弘治十七年三月初三日

聖慈仁壽太皇太后遺詔內外文武羣臣予昔獲奉
事

英宗皇帝越既有年不幸

龍馭上賓攀號莫逮

憲宗皇帝嗣統之日遂膺尊號備隆孝養及重罹變

故內疚予衷賴今皇帝孝敬誠篤

皇太后皇后皇太子奉養周至予心甚安壽至七十
有五得復從

先皇帝左右於地下死無憾矣願皇帝繼承丕緒須
念

祖宗創業艱難

社稷至重邇來水旱相仍天下軍民困苦方劇宜勤
勵節儉任賢使能爾文武羣臣尙各懷忠秉
公同志協力以匡輔德業恢弘治化共保億
萬年無疆之休

皇明詩令卷之十一
皇太子國本攸繫其務進學成德以端大本宮中大
小庶務悉奏

皇太后而行諸外戚家務遵

皇祖明訓不得干預國政子生無德及下喪服悉遵
累朝太后遺誥以日易月二十七日而除哭臨三日

卽止君臣皆同凡喪禮宜從儉祭用素品

皇帝以萬幾爲念毋得過哀成服三日後卽

郊社聽政

宗廟百神之祀皆不可廢中外臣民之家音樂嫁娶
皆不必禁崇王等王及宗室親王各守藩屏

免赴喪禮遣人進香在外文武衙門並免進香特茲告諭遵行毋違予言不再

尊諡詔

弘治十七年四月初九日

奉

天承運

皇帝詔曰朕夙志尊親懋惇孝理生則盡養沒當愼終况稽古諡名禮之大者典彝具在曷敢弗率行之洪惟

皇祖妣大行聖慈仁壽太皇太后

睿性通明

皇明詩集 卷之十一
懿德純備事我

皇祖茂衍宗潢肆我

皇考丕承

鴻烈

母儀既著

徽號式彰暨予冲人嗣守天位仰荷

慈訓輯寧邦家

位號愈隆尊養兼至前後四十餘年追惟鞠育之

恩擁佑之力一朝奄棄痛切予衷下逮臣民

均蒙

廕庇哀號攀慕四海攸同爰考舊章博詢輿論於四

月初六日祗告

天地

宗廟

社稷

恭上

尊諡曰

孝肅貞順康懿光烈輔天成聖太皇太后

嗚呼

大德難名

至恩罔報顧情文之兩盡庶聞譽之無窮布告萬方

咸使聞知

朝覲考察勅

弘治十七年五月二十六

日

勅吏部都察院三年朝覲考察天下官員甄別賢否

明示黜陟此我

祖宗法古圖治之盛典也比年以來考察之後羣議

籍籍奏訴紛紜盖因巡撫巡按官員開報考

語揭帖多不得實而爾等訪詢考察亦欠周

詳勤敏有爲廉直自持者或被黜抑貪黷無

狀賁緣結納者或得苟容以致人無勸懲士
風日壞矣民之休戚係於有司不得其人則
民被其害而愁苦怨嘆之聲上千和氣卽今
四方災異迭見水旱相仍率由於此朕方祗
畏

天戒董正庶官在京羣職已有所處其在外諸司官
員明年正旦適當朝覲考察之期宜預行各
該巡撫巡按官將所屬司府州縣等衙門官
員或制行端方政績彰聞或貪酷害民老懦
不職等項逐一從公開報爾等仍廣詢博訪

皇明言 卷之十一 五十一
備細叅詳明白具奏黜陟若撫按官員仍前
徇情率意開報不公指實叅究併示黜罰爾
等受茲重托俱宜精白一心秉持公道毋或
有所偏徇務要賢否精別黜陟大明庶幾澤
被生民上回

天意爾等其欽承之故勅

求皇太子妃勅

弘治十八年五月

皇太子年漸長成宜慎簡賢淑以爲之配爾禮部出
榜曉諭北京直隸南京鳳陽淮安徐州河南
山東於大小官員士庶良善之家同心選禮

擇其父母行止端莊家法齊整女子十四至
十六容貌端潔性資純善言動溫恭咸中禮
度者令其父母俱赴京來欽哉故諭

遺詔

弘治十八年五月初六日

奉

天承運

皇帝詔曰朕以眇躬仰承

丕緒嗣登大寶十有八年敬

天勤民敦孝致理夙夜兢兢惟上負

先帝付託是懼乃今遘疾彌篤殆弗可起生死常理

雖聖智不能違顧繼統得人亦復何憾皇太子厚聰聰明仁孝至性天成宜卽皇帝位其務守

祖宗成法孝奉

兩宮進學修德任賢使能節用愛人毋矯毋怠中外文武羣臣其同心輔佐

宗社萬萬年之業喪禮悉遵

先帝遺制以日易月二十七日釋服祭用素羞毋禁音樂嫁娶嗣君以繼承爲重己勅禮部選婚可於今年舉行毋得固違宗室親王藩屏是

寄不可輒離本國各處鎮守總兵巡撫等官
及都布按三司官員嚴固封疆安撫軍民不
許擅離職守聞喪之日止於本處朝夕哭臨
三日進香各遣官代行廣東廣西四川雲南
貴州所屬府州縣并土官及各布政司南直
隸七品以下衙門俱免進香勅諭天下咸使
聞知

皇明詔令卷之十七

皇明詔令卷之十八

武宗毅皇帝

卽位大赦詔

弘治十八年五月十八日

奉

天承運

皇帝詔曰惟我皇明誕受

天命爲天下民物主

祖宗列聖鴻規大訓傳在子孫

皇考嗣統十有八年深仁至德覃被海內治化之盛

在古罕聞復憫念民窮

勵精新政訪求利弊方將大有興革

綸音未布遽至

彌留叩地籲天無所逮及天下之慟矧予一人比者
親承遺命謂主器不可久虛而宗親文武羣臣軍民
耆老累箋勸進拒之至再情益懇切永惟

宗社重寄不敢固辭謹以是月十八日祇告

天地

宗廟

社稷卽皇帝位顧國家創造之難眇躬負荷之重惟
正道是遵惟古訓成憲是守率

皇考未終之志擴而行之康我兆民登于至治其以
明年爲正德元年大赦天下與民更始所有
合行事宜條列于后

一弘治十八年五月十八日昧爽以前官吏軍
民人等有犯除謀反叛逆子孫謀殺祖父母
父母妻妾殺夫奴婢殺主採生折割人殺一
家非死罪三人蠱毒魘魅謀故鬪毆殺人十
惡致死者及強盜失機事干邊方夷情不赦
外其餘已發覺未發覺已結正未結正罪無
大小咸赦除之敢有以赦前事相告言者以

其罪罪之

一文武官吏監生生員知印承差旗軍匠役勇士舍餘人等有爲事間發立功哨瞭運磚運灰運炭追罰牛馬做工納米擺站煎鹽炒鐵充儀從軍伴膳夫並例該枷號等項悉皆放免各還職役寧家隨住其官吏監生生員知印承差行止有虧敗倫傷化者原籍爲民原擬帶俸者仍於原衛所帶俸差操

一弘治十六年十二月以前各處拖欠稅糧馬草荻青草束屯種子粒農桑絲絹門攤商稅

戶口食鹽米鈔銀課魚課差發金銀供應黃
白蠟馬牙束香黃束香廚料果品牲口藥材
等項及一應納辦買辦採辦物料除已徵在
官者照舊送納中間有被水火盜賊所在官
司告有堪信文憑到部者悉與除豁未徵之
數盡行蠲免敢有將已徵捏作未徵者治以
重罪其正德元年該徵戶口食鹽米鈔不拘
存畱起運盡行蠲免

一弘治十六年十二月以前一應造作及年例
坐派買辦採辦金銀銅錫等箔榆楊檀椶鐸

木楠棗等木猫笙長節苦水等竹顏料生漆
油麻銅鐵銅絲鐵絲翠毛牛筋羊角燒造土
欒榜紙散竹篾黃藤白圓藤松香胭脂銅青
石花菜黑鉛水膠絨線肥皂通草果品樟腦
黛石缸鏹土硝葛稽蘆葦明礬紙筋棕毛綿
紗牛黃馬尾麥穗稻皮磁末白絹無名異槐
花黃白蠟蜋殼課鐵魚油翎鰓藍靛烏梅梔
子紅花茜草荊條箬葉白硝麂皮驢皮前截
水牛底皮黃真牛皮水和炭煤炸毛纓雲母
石野味高頭紙黃穰瀛沙缸油等土油椿磨

板馬連根草針條青花綿布石黃青甘土雜
草雜木鎗桿綿花等項民間拖欠未徵者悉
皆蠲免已徵在官者仍起解赴部敢有將已
徵捏作未徵者治以重罪

一鹽糧以濟邊餉國用所急近年以來欽賞數
多及被內外勢要罔利之人奏討奏買存積
常股並盤割私餘及風雨消折等項鹽斤攬
越支買夾帶私販以致鹽法阻壞商賈不行
詔書到日各該巡鹽巡按御史卽從實查理
除已支買外其未支掣者俱各住支還官今

後行鹽各照地方不許越境販賣各邊開種引鹽及糶賣糧草俱不許勢要及內外官員之家求討占窩領價上納巡鹽管糧等官徇情受囑者許巡撫御史指實糾舉

一各處鹽運司提舉司鹽課司自弘治十六年十二月以前拖欠未完並風雨消折鹽課及折色鹽糧銀布等項詔書到日風憲官覈勘是實悉與除豁以蘇竈丁貧苦客商失落截角退引亦皆免追

一順天府南北直隸山東河南州縣並內外衛

所養寄孥牧牛驢騾倒失虧欠等項該徵本色價銀京營各邊官軍倒死騎操馬匹該追椿頭朋銀及各處牧馬草場地畝子粒銀兩自弘治十六年十二月以前除已徵外未徵之數盡皆蠲免

一原問真犯死罪免死充軍逃回不首例該仍照原問死罪處決囚犯并原問雜犯死罪以下充軍逃回例該枷號改發極邊衛分者免其處死枷號改調仍發落充軍衛分着役後不爲例

一強盜人命等項死罪重囚曾經法司及巡撫
巡按等官原奏情可矜疑並人命辜限外身
死未得寬免及行再問者詔書到日覆審是
實俱免死發邊衛永遠充軍若累經伸訴果
有冤枉毋拘成案卽與辯理奏聞區處篤疾
該犯死罪見監者悉皆宥免

一自弘治十八年五月十八日以前文武職官
監生生員吏典知印承差軍民人等爲事發
遣充軍者除失機搶奪喇唬侵盜係官錢糧
指以各衙門打點誑騙財物打死人命及事

干邊情私役軍人甚者不宥外其餘並口外
爲民初犯者悉放回原籍原衛寧家隨住武
職調衛帶俸

一各衛門住坐軍民人匠有爲事故在逃并輪
班人匠先爲災傷流移並遺失勘合等項失
誤班次者詔書到日限三箇月以裏於所在
官司首告免其問罪照舊應役其該罰班者
一體免宥止當正工

一浙江杭嘉湖並蘇松常鎮府分及裏河儀真
直抵通州一帶沿河軍衛有司有蘆葦茭茅

夫價及開填泉溜淺等夫辦納青草等項價銀及曠役等項銀兩自弘治十七年十二月以前軍民拖欠未徵未完者該管官員查審悉皆蠲免其已徵在官者存畱在官庫收藏以備水利修河等項支用南京工部燒窰蘆柴該徵本色折色自弘治十六年十二月以前拖欠未徵者悉與除豁其已徵在官者行該管郎中查實起解

一官吏人等有被告訐若招攀贓私罪名照提年遠逃躲不出官者悉免其罪官吏仍革職

役爲民其見行勘提情重者贓數欠明有碍
歸結者具實奏聞區處

一皇親勲臣及勢要之家有例不許受人投獻
地土包攬錢糧霸占關廂渡口橋梁水坡及
開設鋪店停勒客貨販賣鈔貫抽要柴薪占
奪田室指勒牙保水利等錢侵奪民利違者
許科道及巡按巡城并該管地方官員叅奏
治以重罪行之年久人心玩易都察院其再
申明嚴加禁約

一內外各衙門近年坐派柴炭數多軍民採運

艱苦宜從撙節明年以十分爲率量減三分
一各處水冊沙壓等項田地稅糧負累人戶賠
納曾經具奏者巡撫巡按官查勘明白照舊
除豁

一在京在外文武職官有因緣事及公錯并公
事註誤等項特旨降調並爲民充軍者該部
通行查出調者復還原職降者俱照先任原
品各外用爲民者冠帶閑住充軍者放回爲
民其一應考察黜退冠帶閑住者與致仕爲
民者冠帶閑住

一各處武職有因私役軍人不及五名例前間
擬降級者守邊失誤被賊搶擄人民不及五
名情輕律重降級者俱復還原職其軍人常
川守哨亦免守哨

一在京在外文武官吏監生旗校人等有因事
住支俸糧者詔書到日悉與關支

一明年漕運糧米以十分爲率內將二分照例
折收銀兩以蘇軍民困苦後不爲例

一各處災傷頻仍賦役繁重百姓甚是艱難近
來有等無藉之徒將軍民祖業徵糧田土捏

作拋荒無主及水滄沙壓不堪耕種等項名
色朦朧投獻王府并內外勢要之家聽信撥
置奏討占奪以致貧困失業詔書到日限一
箇月以裏退還改正如違許被害之人赴官
陳告從公斷理若係用價典買契書明白不
在此例

一河南鈞磁州并真定府曲陽縣燒造瓦瓶罈
遞年拖欠者自弘治十五年十二月以前悉
皆蠲免若有燒造見存者准作以後年分應
解之數江南饒州府燒造磁器除各年起運

外弘治十八年以後暫停一年以甦民困

一各處織造紗羅紵絲綾紬等項除額辦歲造并工部奏派及婚禮之數照舊解運外其蘇松杭嘉湖并應天府等處改織並差人坐守織造者悉皆停免已織完者照舊起解未完者并已徵物料交與所在官司准作歲造內支用

一各處衛所成造軍器並有司歲造弓箭弦條自弘治十七年以前拖欠不完者悉免補造其各徵收過物料仍作以後年分該辦之數

敢有因而侵欺者治以重罪

一在京營衛並在外衛所官軍近因災傷做工及官員科害因而在逃限兩箇月以裏在京赴兵部在外赴本衛所首告照舊食糧差操免其問罪一應罰班補操等項盡行宥免

一在京在外緝獲強盜妖言奸細等項多有貪功固利及無賴戳番之徒妄拿拷打誣陷重罪累有詔旨禁例多不遵守今後問刑衙門務要從公研審的確果有冤枉卽與辯理不許扶同害人其妄拿報功人員照例從重處

治

一各處解納錢糧到京內外管事人員刁蹬需索使用之數多於本物以致上納不敷重復貽累小民該部申明禁約許被害之人指實奏告治以重罪

一國家財賦有限近來冗食人員日漸增多以致俸糧等項不敷支給未免掊尅小民公私俱困該部通行查議奏請裁減

一各處欽賞庄田有業主自行管業收受子粒者多被管庄人等倚勢生事分外需索逼迫

小民逃竄失業今後悉照戶部奏准事例有司照數徵收送用不許違例奏擾

一各處兵備守備并勸農管糧捕盜水利等項一應文武官員添設數多該部通行查議具奏裁減

一各馬房倉庫及各衙門等處添設管事內官數多

先帝己有成命該部通查具奏裁減其各處添設守備等項內官不係舊額者一體查奏取回

一南京馬快船隻遞年輸運頻繁負累軍民今

後搬運物料或有在京給料可以自造者進
鮮品物或有北方出產優於南方者其大船
難入裏河或可改撥小船逃亡重僉人夫或
可停免及一應省費便民事宜南京兵部逐
一查奏定奪以甦軍民困苦

一錦衣衛校尉專爲直駕而設非臣下所得役
使近來內外官員多有奏討投托濫占跟用
因而令其幹辦私事挾勢害人該衛盡行查
明取回今後敢有仍前奏討借用及該管官
員徇情撥付一體治罪不饒

下僚者許六部都察院通政司大理寺三品
以上官及各巡撫巡按官布按三司正官舉
保民間有懷才抱德令名行修之士許府州
縣正官薦舉俱聽吏部量才擢用

一舉人出身教官歷任六年以上果有才行出
衆者吏部訪察的當照例行取除科道等官
及州縣正官其九年考滿有志會試者係舉
人不拘署職實授及功績有無俱許入試

一給由官吏紀錄過名悉皆除免照例陞用收
考吏典該重歷者俱免重歷

一近日行取私自淨身人役五歲至十五歲赴
禮部揀選者詔書到日即便停止該管官司
照例管禁不必起送

一近日查選南京并各布政司及各王府額外
多餘精通樂藝樂工詔書到日即便停止不
必查選

一各王府及鎮守等官貢獻方物勞擾沿途軍
民今後除舊例外其餘不急之務皆悉停止
一凡朝廷政事得失天下軍民利病許諸人直
言無隱

於戲

天位至大民事至艱尚賴中外臣僚協心匡輔以裨
朕之不逮用克紹先業永保億萬年無疆之
休誕告萬方咸使知悉

尊諡詔

弘治十八年六月初十日

奉

天承運

皇帝詔曰朕惟帝王大行受大名考德定諡薦于宗
廟播之天下以傳于無窮者古之制也洪惟

我

皇考大行皇帝以聖德膺

天明命嗣大歷服越十有八年敬

天法

祖尊

親睦族親賢愛民之心靡所不至用是民生乂安海

宇寧謐治理之盛超軼聖代於

前烈有光焉者

昊穹降割

龍馭上賓中外臣民銜戀

恩德攀號莫逮顧予冲人肇纘

皇明詔令

卷之十八

十四

鴻業時方在疚禮樂之事多所未遑茲當視朝之初
首稱殷禮謹命在廷文武羣臣稽古儀文議
薦

諡號博叅衆論協于至公於六月初七日祇告

天地

宗廟

社稷奉

冊寶恭上

皇考大行皇帝尊諡曰

建天明道誠純中正聖文神武至仁大德敬皇帝

廟號

孝宗於戲

天地之無窮也而有高明博厚之稱惟是

盛德難名舉其大者用上配

列聖永貽億萬年

廟享之禮布告邇遐並宜知悉

尊號詔

弘治十八年八月初四日

奉

天承運

皇帝詔曰朕承

皇考遺德誕嗣丕基夙夜兢兢懋圖化理顧治本於
孝雖至貴必有所尊粵稽古聖帝明王暨我
祖宗列聖罔不率而行之予何敢後恭惟

聖祖母皇太后深仁厚德母儀天下徽音令聞亘古
罕比予冲人獲底成立實維慈訓是賴

聖母皇后德由天賦道合坤元內治允修克儷
皇考用集無疆之慶鍾於眇躬非名極

尊稱何以伸罔極之報茲卜以八月初二日
率籲文武臣工謹奉

冊寶恭上

聖祖母尊號曰

太皇太后

聖母尊號曰

皇太后庶情文兼至孝思維則以成隆古之治以紹
我

祖宗列聖之鴻休所有推恩事宜條列于後

一宗室降爲庶人者各賜米十石絹十疋其子
女各米五石布五疋年及婚配者所司具名
以聞照例選婚量助嫁娶之資

一文職官員五品以上以禮致仕在家者各進

階一級其二品以上大臣年及八十者有司
備綵帛羊酒問勞九十以上者具悉奏來遣
使存問

一軍民之家有年七十以上者許一丁侍養免
其雜泛差役八十以上者仍給與絹一疋綿
一斤米一石肉十斤九十以上者倍之其男
子八十以上有爲鄉里所敬服者加與冠帶
以榮終身

一文武官員署職試職者俱與實授

一兩京文職官員七品以上未及三年考滿者

俱與應得誥勅若父母見存先已受封其子
官職遷轉者服色許與子同後不爲例

一各處分守守備等官有指揮以都指揮體統
行事者量與署職以便行事

一軍職犯罪調衛有因公務註誤被人逼迫棄
印在逃曠職半年以上并守衛軍人點不及
數同僚不和原犯情罪頗輕者俱令回還原
衛後不爲例

一在外文職官員有親老告回侍養者親終之
日仍許赴部聽用

一在京各衛帶俸官有願出外衛者許自陳照例註與相應地方衛所管事差操

一監生有衰老不願出仕者但係聽選之數俱照例量授職銜吏員冠帶聽選願告不仕者照資格授與職銜其在原籍者許各司府衙門陳告類冊繳部一體給授

一各處廩膳生員有親老無人侍養願告侍親者聽親終復學其累舉不第年五十以上願告退間者許與衣巾終身仍免本身雜泛差役

一內外衙門見問囚犯除死罪已發落外其餘
該犯徒流笞杖及枷號者詔書到日悉宥其
罪官吏監生生員承差知印陰陽醫生校尉
行止有虧敗倫傷化例該充軍爲民等項仍
照例發落照提未到公罪住提其餘仍提問
明白俱照前例發落奉旨勘問者奏請定奪
一兩京陰陽醫生有年六十以上不能供役願
告回家者審實放回旗校軍匠廚役人等老
疾者亦許告替俱免雜泛差役其在外衛所
老疾軍人已替役者不許重役虐害

一軍民之家有五世同居共爨不分異者有司具實奏聞照例旌表詔書到日先給羊酒獎勸

一孝子順孫義夫節婦有司具實奏聞照例旌表年及六十者男子冠帶榮身婦人八十以上照例給賜絹綿米肉

一各處僧道有父母見存無人侍養者不分有無度牒俱令還俗養親

一各處軍民人等有因刁潑害人曾經問發充軍爲民遇例放回者該管官司不時省諭務

期改過自新若仍蹈前非起滅詞訟誣害良
善挾制官府事發枷號三箇月仍照例問發
邊遠

一各處衛所新增屯田子粒弘治十七年分除
已徵外其未徵者悉與除豁

一弘治十七年以前各處庄田子粒曾經勘係
災傷小民拖欠者悉與除豁

一在京在外鰥寡孤獨廢疾不能生業者即便
收入養濟院照例給與衣糧母令失所已收
養者人各賜米三斗

於戲立愛惟親成一人之達孝施恩有序得萬國之歡心誕告多方俾咸知悉

立夏后詔

正德元年八月十三日

皇帝詔曰朕紹

祖宗大統欲傳之億萬年永永無極眷惟天叙之典厥有造端自古帝王以來彝章具在肆我皇考深仁至德念我後之人

顧命諄諄首稱婚禮茲者

聖祖母太皇太后

聖母皇太后特命所司簡求令淑作配朕躬感慕方

殷未忍遽焉卽吉而禮官廷臣僉以爲繼嗣
事重宜勉承

先志乃敢昭告

天地

宗廟以正德元年八月十一日冊立夏氏爲皇后正
位中宮以共承

宗祀奉養

慈闈率我兆民歸于至化布告中外咸使聞知

戒諭羣臣勅

正德二年三月二十八日

朕以幼冲嗣位惟賴廷臣輔弼其不逮豈意去

歲奸臣王岳范亨徐智竊弄威福顛倒是非
私與大學士劉健謝遷尙書韓文楊守隨張
敷華林瀚郎中李夢暘主事王守仁王綸孫
槃黃昭檢討劉瑞給事中湯禮敬陳霆徐昂
陶諧劉蒞艾洪呂翀任惠李光翰戴銑徐蕃
牧相徐遲張良弼葛嵩趙士賢御史陳琳貢
安甫史良佐曹閔王弘任諾李熙王蕃葛崑
張鳴鳳蕭乾元姚學禮黃昭道蔣欽薄彥微
潘鏜王良臣趙祐何天衢徐鉦楊璋熊卓朱
廷聲劉玉遞相交通彼此穿鑿曲意阿附遂

成黨比或傷殘善類以亂上心或變亂黑白
以駭衆聽扇動浮言行事詖僻朕雖察審尙
復優容後漸事蹟彰露彼各反側不安因自
陳復遂其休致之請若自憤則公言其譴謫
之由其勅內有名未罪者吏部查令致仕母
俟惡稔追悔難及夫人臣以忠敬爲本不聞
以阿附爲榮朕不明言暴白羣臣何以知悉
邇來朕一遵

祖宗成憲申明舊章除宿弊汰冗官欲臻治理爾文
武羣臣尙惟精白一心恪供乃職必以光明

正大爲期必以黨比阿附爲戒且如張懋等
凡遇會奏論列並無片言隨人扶同輒聽詭
計列銜而行朕皆爾釋以後母蹈覆轍自貽
累辱國有昭典朕不敢貸故勅

平寘鑄寬恤詔

正德五年四月二十六

日

奉

天承運

皇帝詔曰自古帝王法天立政布德明刑不可偏廢
朕嗣位以來仰荷

上天

祖宗付托之重勵精圖治越五六年念惟世久承平
人多玩法振起綱維剗革奸弊期與斯人登
于至理而有司不能悉體朕心奉行過當虛
懷徒切和氣弗臻乃自今春以來亢旱爲厲
時雨愆期風霾屢作星異迭見四川湖廣等
處寇賊縱橫捕撫未定而陝西寧夏都指揮
何錦等戕害守臣拒殺官兵屠戮居人謀立
安化王寘鐸爲主出給印信票帖招誘諸路
索要軍馬地圖各鎮官員連日奏報具有實

蹟爰下皇親廷臣會議僉謂寘鐫悖逆

天道得罪

祖宗朕不敢赦祇告

太廟卓其封爵削其屬籍命將出師正名討罪誅勦
首惡分釋脇從撫定軍民安靖邊境尤念兵
戎事重供億甚勞加以逋負相仍科徵未息
在在皆然方欲省刑薄斂任賢使能培養元
氣掃除災孽以保我國家億萬年之祚所有
寬恤事宜條列于後

一正德五年四月二十六日昧爽以前官吏軍

民人等有犯子孫謀殺祖父母父母妻妾殺夫奴婢殺主毒藥殺人蠱毒魘魅強盜失機人命十惡致死者不宥外其餘已發覺未發覺已結正未結正罪無大小咸赦除之敢有以赦前事相告言者以其罪罪之

一各處屯田等項地土見今差官清理未完者悉皆停止原差官員俱各取回

一各處軍衛有司錢糧子粒馬疋布絹鹽課物料等項歷年拖欠應該追徵帶徵悉皆停止待豐收之歲每年帶徵一分文武官吏倉攢

等除侵盜外查出過爛虧折監追賠補者並皆饒免

一各處王府郡王將軍中尉犯罪革祿除鬪毆人命敗倫傷化外其全革者准給一半三分一二者照舊全給除犯贓罪人命不宥外其餘充軍者放回爲民爲民者給與冠帶閑住一軍職子孫襲替仍照舊例十年以裏人文到部俱准襲職以外不准

一文武職官充軍者除贓罪失機不宥外其餘悉皆放回原籍爲民軍民人等充軍瞭哨除

盜賊人命撐駕大船興販私鹽包攬錢糧正
犯并投獻地土撥置王府偽造印信兇器傷
人指稱打點嚇騙財物捏詞越奏誣害良善
代寫詞狀不宥外其餘悉皆放免

一差去各處採買物件及緝事訪情等項內外
官員旗校人等詔書到日即便回京

一各處巡按御史並布按二司遷官去任者各
許離任今後新任官員初到任凡事勘合卽
當就完有先年前官舊遺下未完勘合令接
管官員逐年帶完

一各邊官糴糧米量添價銀本處軍民互相糴買者亦從其便

一各處商人先年報中糧草已納在官未給鹽銀者照數給與見監未結者悉皆釋放並免追賠

一寧夏反逆事情除何錦周昂丁廣首惡不宥外其餘悔罪效順與免本罪有能自相擒斬者量爲陞賞擒斬首惡者不次陞用

一陝西湖廣四川江西兩廣等處連年災傷人民艱窘各該有司加意賑恤流民復業者免

其賦役三年其嘯聚山澤流劫鄉村者仍照
節次旨意出榜曉諭有能悔過自新悉與免
罪自相擒斬者量爲陞賞擒斬首惡者不次
陞用

一文武職官罰納米石除已納外其上納未完
并未納者悉與饒免因事住俸罰俸者照舊
支給

一各處充軍人犯病故不係永遠充軍者家口
盡行放免

一各處逃軍逃匠逃校逃囚人等自詔書到日

爲始限三箇月以裏許於所在有司首告與免本罪軍還原伍匠仍當匠民放寧家

一各邊軍職今後有犯失悞事情除被賊殺虜五人以下降一級十人以下降二級甚者充軍量加罰治其餘見罰俸者許其照舊支給待事寧之日來說提問者免其記罪

一武舉官舍人等先年分撥寧夏延綏甘肅三邊聽調殺賊者各回原衛

一今後內外問刑衙門問理囚犯悉依大明律科斷發落其有律輕情重舊例枷號決打者

仍從其舊

一兩京法司死罪重囚中間慮有冤抑各具招由開奏定奪

於戲用兵者如不得已用刑者必求其生方興問罪之師大布同仁之政播告中外咸使聞知

誅劉瑾寬恤詔

正德五年九月十八日

奉

天承運

皇帝詔曰朕自冲年以來嗣守

祖

皇明詩令卷之十八
宗大位敬

天勤民睦族用賢是祈是念期于至治邇者寘鐸窺
伺神器與寧夏叛賊何錦等謀逆殺害鎮巡
重臣荼毒兵民僞置官屬招誘各路軍馬反
形已著朕祇告

太廟命官致討罪人既得已下廷臣鞫問得實勅天
下諸王議寘鐸罪犯其餘逆黨明正典刑及
逆賊劉瑾負朕委任矯託命令捏寫旨意專
權賣法

累朝成憲變亂殆盡官吏軍民並受其害利入私門

歸怨公府激變地方又包藏禍心私蓄兵器
偽造寶印懷刃入朝謀爲不軌待時爲變亦
下廷臣鞠實以正典刑數月之間二變交作
兩功並成實賴

天地眷佑之恩

祖宗庇覆之德邦家底定中外咸和但念四海蒼生
皆吾赤子或徵科苛急或刑罰刻深非徒變
亂之愆抑有奉行之過歲年屢易姦弊滋多
揆厥所由皆非朕意己令所司查革改正載
申恩典以慰羣情通將前後事情復告于

皇明言卷之十八
二十
廟然後行事所有寬恤條件開列于後

一正德五年九月十八日昧爽以前官吏軍民
人等有犯除謀反叛逆子孫謀殺祖父母父
母妻妾殺夫奴婢殺主採生折割殺一家非
死罪三人蠱毒魘魅毒藥謀故鬪毆殺人并
十惡致死者及強盜人命失機不赦外其餘
已發覺未發覺已結正未結正罪無大小咸
赦除之敢有以赦前事相告言者以其罪罪
之

祖宗成法自有定制近因劉瑾專權納賄挾私恣意
紛更變亂非止一端已令各該衙門查革改
正其有未盡者通行查改務復舊規

一自弘治十八年五月十八日以後至正德五
年九月十八日以前軍官總小旗將軍力士
校尉舍餘民人等項有爲事發遣各處充軍
爲民立功瞭哨除失機謀逆黨類強竊盜人
命外其餘悉還職役文職官員發遣充軍者
除贓罪外其餘悉皆放回原籍爲民爲民者
冠帶閒住冠帶閒住者與致仕其與劉瑾事

情相干已有旨發落并提問未結者俱不在
此例

一文武官吏監生生員知印承差將軍力士旗
校軍民人等自弘治十八年五月十八日以
後至正德五年九月十八日以前有爲事問
發立功哨瞭運磚運炭運石運灰納米枷號
罰馬做工擺站煎鹽炒鐵充儀從軍伴膳夫
等項悉皆放免其軍職舊例該帶俸革職文
職官吏人等舊例該爲民革役者各照依擬
發落見被提問該立功等項者仍候歸結一

體免罪發落

一軍職子孫襲替新例五年以上人文不到部及考文理不通者不准以後俱照舊例十年爲限并免考收選

一內外軍職自弘治十八年五月十八日以後至正德五年九月十八日以前除問刑衙門照依舊例問罪降調外有因新例降級調衛者兵部查奏定奪

一各邊屯田地土近因新例差官查理所至騷擾人心嗟怨已有旨停止續行巡撫等官分

撥者悉令照舊耕種其文冊已未繳部者盡行燒毀

一四川保寧夔州湖廣荆襄漢沔陝西漢中等府地方近年因被流賊劫掠動調兵糧自正德四年以前拖欠稅糧除已徵在官及奏畱彼處軍餉齎用外其餘小民拖欠不拘起運存畱及各項物料不必帶徵盡行蠲免

一內外文職近因劉瑾挾私廢黜數多自正德二年正月以後至正德五年九月十八日以前有勘事勘地等項差錯遲悞及公差給假

丁憂養病違限致仕爲民者各復原職吏部
查訪年力未衰才識可用不係犯贓罪者酌
量起用其以訪察爲名及不時考察黜退者
吏部會同都察院從公查訪仍將歷年巡撫
巡按官考語叅對果有虧枉奏請復其原職
不許一槩濫用

一各處商人報中糧草近因新例不給價及追
賠原價已令該部給價免追詔書到日俱照
舊例報中上納照數給價原欠者陸續補給
官糴糧米盡行停止

皇明言令 卷之十八
三十一
一河南山東解納京邊一應錢糧價銀不敷各
於本布政司借過寄庫修河香錢銀兩未完
官者悉與蠲免

一福建等處歲辦銀課近年以來礦脉微細累
民賠納所在官司曾經查勘具奏者免其開
辦仍將礦穴封閉以絕弊端

一各處軍衛有司虧欠倒失馬駒牛驢例該追
徵銀兩并京營各邊官軍倒死騎操馬匹例
應買補徵收租銀及備用馬匹草場租糧拖
欠之數自正德二年以前除已徵在官外未

徵之數盡與蠲免

一各衙門住坐軍民人匠有因事故在逃并輪班人匠失誤班次者限三箇月以裏許赴所在官司首告免其問罪照舊應役其該罰班者俱免罰班

一各處兌糧養馬地土內有水棚沙壓等項負累人戶包養累經具奏者令巡按御史查勘明白具奏除豁

一在京各邊輪班操備官軍有因地方災傷上班來遲例該罰班補操者俱免罰補

一各處清理起解逃故等項軍士有違批限一年之上軍發邊衛解人發附近衛所充軍者俱與官免軍還原衛解人寧家當此其有違限在逃未結者一體寬免

一應天井直隸蘇松浙江杭嘉湖等府近遭水患民不聊生該年一應錢糧各該巡撫巡按官從公查勘量加蠲免以甦民困

一通州直抵儀真及直隸蘇松浙江杭嘉湖等府沿河軍衛有司蘆蓆茭草夫價及閘填泉溜淺等夫辦納椿草等項價銀及曠役等項

銀兩自正德三年十二月以前軍民拖欠未徵未完者該管官司勘實蠲免

一兩淮兩浙長蘆四川各鹽運司近年查追拖欠遠年鹽課將壯丁逼迫逃竄或有淹禁致死者除已經開中有引照舊煎辦給商及存積在官聽候中賣外其餘自正德四年以前未經開中額數拖欠或存積年久風雨消折等項巡按御史勘實一體蠲免遇有納剩餘鹽或小民自行煎辦鹽斤不多者仍照舊例許令本處貿易不在興販私鹽之例

皇明言今卷之十八
三十二
一各處拖欠稅糧馬草荻青草屯種子粒農桑
絲絹布疋門攤商稅戶口食鹽錢鈔供應歲
辦等項物料自正德三年十二月以前除已
徵在官外其拖欠未徵及帶徵之數盡行蠲
免有起解中途被水火盜賊當赴所在官司
告有明文到部者查勘是實量與除豁

一近來犯罪不係叛逆抄沒房屋者俱給還原
主住種其已經變賣銀兩入官者所在官司
給價取贖

一在京在外緝獲強盜妖言奸細等項事情各

該問刑衙門務要從公研審的確果有冤枉
卽與辯理

一內外問刑衙門有監追侵盜及一應還官錢
糧年久家產盡絕及正犯身死家貧無追者
具奏定奪

一文武職官有閒住爲民充軍非犯贓罪律例
不該追奪誥勅而追奪在官者悉皆給與其
致仕閒住等項曾經奏准未曾關給者亦准
關給

一各處歲貢生員赴部違限例該壓考送問者

暫免今次其三年以上者查無違礙亦與收考

一各處逃軍逃校逃廚人等詔書到日限三箇月以裏許赴所在官司首告悉免本罪各還原役

一各處盜賊多因饑寒困苦流離失業脅從逼迫嘯聚爲非詔書到日各該官司再行出榜曉諭許其自首免罪軍還原伍民還原籍各存恤一年免其差徭其有能擒捕首惡并黨類首官者照例陞賞仍量給犯人財產

於戲

天地以好生爲德人君以法祖爲心方當釐正之時
載布寬仁之澤播告中外咸使聞知

免罪勅

正德八年十二月二十五日

勅禮部三法司茲者新正在邇萬物咸寧在京及南
京見在文武羣臣除贓罪外自正德八年十
二月二十五日以前所犯罪名紀錄在官者
悉與湔除俾圖自新故勅

乾清宮災脩省勅

正德九年正月十八

日

朕恭承

天命嗣守

祖宗成業夙夜孜孜勉圖治理乃正德九年正月十六日乾清宮災朕心驚惶莫知攸措殆以

敬

天事神之禮有未能盡

祖宗列聖之法有未能守用舍或有未當刑賞或有未公征斂太重有傷民財工役繁興有勞民力讒諛並進而直言不聞賄賂公行而政體乖繆奸貪弄法而職業多未能修撫勦失宜

而盜賊尙未見息有一於此皆足以傷和致
災靜言思之悔悟方切爾文武羣臣受朕委
任義均休戚各洗心改過痛加修省事關朕
躬及時政闕失軍民利病宜直言無隱庶俾
朕有所修以答

上天仁愛譴告之意故諭

乾清宮災寬恤詔

正德九年正月二十

八日

奉

天承運

皇帝詔曰朕恭承

天命統治萬民夙夜孜孜恪遵

祖訓惟以敬

天勤民爲首務期于民物阜康天休滋至顧以晏安

易溺舉措乖方未合

天心致生災變五行愆度千里蜚蝗隕霜雨雹之非

時地震天鳴之迭見水旱相繼饑饉荐臻人

民困窮盜賊充斥兵馬之調發騷動遠近勦

粟之轉輸役及婦人疲羸餓殍填委溝壑戰

鬪死亡身膏草野勤勞或未盡甄賞義烈或

未盡表揚邑井蕭條室廬焚蕩流者無所寄
命歸者無所安居加之姦吏舞文貪官黷貨
優恤之旨每下而廢格不行蠲免之令屢頒
而催科如故朕處深宮之中念慮有所未周
見聞有所不及以致民隱不能上達恩澤不
能下流官民乖隔道路怨咨禍變可虞

上天示警乃於正德九年正月十六日復有乾清宮
之災

累朝經營一旦煨燼望之蹙額言之痛心

九廟震驚兩宮憂切凡我臣民罔不疑懼咎徵所自

實在朕躬己齋心虔禱

天地

宗廟

社稷

山川跼踖敬畏圖惟自新復諭令羣臣同加
修省極陳時政冀以消弭禍端仰答

天譴尤念天之視聽皆自我民民心獲安

天意乃順特稽舊典用布新恩以惠下民固我邦本

將以延

宗社萬年無疆之休所有寬恤事宜條例于后

一自正德九年正月二十八日昧爽以前官吏
軍民人等有犯除謀反叛逆子孫謀殺祖父
母父母妻妾殺夫奴婢殺主採生折割殺一
家非死罪三人謀故殺人蠱毒魘魅毒藥殺
人強盜妖言黨惡人命失機并事干邊方夷
情及十惡至死者不赦外其餘已發覺未發
覺已結正未結正罪無大小咸赦除之敢有
以赦前事相告言者以其罪罪之

一文武官吏監生生員吏典知印承差軍民人
等自正德五年九月十八日以後有爲事發

遣充軍者除黨逆妖言強竊盜失機左道亂
政打死人命搶奪喇唬撥置投充害人持刀
傷人侵盜係官錢糧妄拿平民爲盜因而致
死爲從指稱打點誑騙財物包攬錢糧投獻
地土僞造印信及事干邊情不宥外其餘並
口外爲民初犯者悉放原籍原衛寧家隨住
中間例該調衛等項者仍照例施行

一文武官吏監生生員知印承差將軍力士勇
士旗校軍民匠作舍餘人等自正德五年九
月十八日以後至正德九年正月十八日以

前爲事問發立功瞭哨運磚運炭運石運灰
納米納料枷號拘役追罰馬牛做工擺站煎
鹽炒鐵發充儀從軍伴膳夫等項悉皆放免
各還職役肄業寧家隨住其例該帶俸調衛
革職革役爲民者各照原擬發落見被提問
該立功等項俱候歸結一體免罪仍照例發
落

一武職總小旗自正德五年九月十八日以後
有爲事降級者調衛者除黨惡及撥置親王
奉特旨降調敗倫傷化事關軍機者不宥外

其餘悉以原職並降調職役回還原衛帶俸
差操係內侍衙門者改住在京別衛

一正德七年十二月以前各處拖欠未徵及虛
文倒解夏稅秋糧馬草屯田子粒農桑絲絹
商稅課程戶口食鹽歲辦物料等項巡撫巡
按等官保勘是實明白具奏盡行蠲免其災
傷被盜地方已節有詔旨蠲免多被貪官汚
吏通同糧長攬頭人等埋沒案卷不與除豁
或將已徵已解捏作未徵未解侵欺分用小
民不得均沾實惠撫按官俱要查勘追理准

作原納人戶以後年分該徵之數官司查勘不實雖無贓私亦要起送吏部降級叙用

一各處逃亡人戶遺下田地沙壓瘠薄無人承佃負累里甲包賠糧草正德八年十二月以前拖欠未完者巡撫巡按委官保勘是實悉與除豁保勘不實聽撫按官司問罪黜革

一各處逃移復業人戶有司加意存恤不許里書人等逼取拖欠錢糧及私債等項又致逃移仍免本戶該納稅糧一年雜泛差徭三年極貧下戶仍量給牛具種子

一各處鹽運提舉等司查追遠年拖欠鹽課將壯丁逼迫逃竄或有淹禁致死者除已經開中有引照舊煎辦給商及存積在官聽候中賣外其餘未經開中額數拖欠或存積年久風雨消折等項巡鹽御史及鹽法官查勘明白奏請蠲免其有納剩餘鹽或小民自行煎辦鹽斤不多者仍照舊例許令貿易生理不在興販私鹽之例

一各王府親王郡王郡主將軍中尉犯罪革祿除毆殺人命敗倫傷化外其餘全革者准給

一半三分一二者照舊全支儀賓有因成婚年遠不曾赴京謝恩叅奏者悉皆宥免

一各處王府有應得齋郎廚役旗校等項例該各州僉補及已經僉補在役情愿應當者聽從其便其有不願應役者及新僉補者許赴本布政司陳告查照直堂皂隸事例每名追銀十兩交與該府教授收領願人代役不許一槩拘禁重爲民害

一近年各處盜起有貞女烈婦被賊殘害志節不屈行跡顯著者巡撫巡按官查勘是實明

白具奏俱與旌表門閭

一各處用兵地方軍民職官有歿于戰陳未蒙優恤者巡撫巡按及紀功官查勘明白奏請定奪軍民死於鋒鏑無人收埋者所在有司俱與掩埋毋得暴露

一各處衛所軍人自正德九年正月十八日以前逃故者許原逃正身或戶下人丁以詔書到日爲始限三箇月以裏赴官自首改編附近衛所充軍仍行原衛開豁其過限不首者清出照舊解發原衛補伍其逃校逃廚逃囚

人等俱限三個月以裏首告免罪各還原役
民發寧家

一各處孳牧寄養馬匹先被流賊搶劫曾經告
官勘實執有明文并提督撫按等官免與征
勦官軍騎坐不曾給還者准以買補外其餘
未補之數巡撫及太僕寺分管官勘實悉與
蠲免不許捏故濫報事發重治

一正德八年以前京邊上班管軍官先因流賊
生發防守地方失誤班次應該送問罰班補
操者盡皆宥免今後有誤重治不饒

一南北直隸山東河南等處軍民人等先被流賊脅虜已經撫收各該地方務要加意存恤不許追治舊事以致驚疑不安違者重治不饒

一江西四川等處地方盜賊首惡雖已擒斬餘黨尙未盡平詔書到日總制提督等官出榜曉諭果能改悔投順誠心向化者俱免本罪仍照舊籍貫發還本土令該管里甲戶長拘管生理不許聚居一處生事爲非仍令所在官司一體加意存恤其有名雖聽撫實爲盜

者上緊督兵勦捕不許姑息蒙蔽重貽後患
一在外問刑衙門間擬囚犯除真犯死罪外徒
罪但審有力者止許納米穀預備倉以備賑
濟不許折收銀兩希圖侵尅違者聽巡撫巡
按官察訪糾舉坐以贓罪杖罪以下一體發
落

一原問真犯死罪免死充軍逃回不首例該仍
照原問死罪處決囚犯并原問雜犯死罪以
下充軍逃回例該枷號改發極邊衛分者免
其處死枷號改調仍各發原充衛分充役其

皇明律例卷之十八
四十二
編發口外爲民逃回者免其問罪仍發口外
爲民

一強盜人命等項死罪重囚曾經法司及巡撫
巡按開奏情可矜疑并人命辜限外身死未
得寬免者詔書到日覆審是實俱免死發邊
衛永遠充軍其經五年之上累次執稱冤枉
者所司審實果有冤枉卽與辯理若干證人
逃躲事難決斷與人命無屍可驗強盜賊仗
不明及年久無賊人死無證者原問衙門備
開矜疑緣由具奏定奪

一在京在外緝獲強盜妖言奸細等項各該問
刑衙門務要從公研審的確果有冤枉卽與
辯理

一內外問刑衙門有因正犯在逃監禁家屬日
久不獲者除叛逆劇賊外其餘悉保候挨拏
一近來京城內外土木工程數多除緊急工程
應修蓋者照舊修蓋外其餘一應大小不急
工程悉皆停止見有會計物料等項俱送該
衙門收貯不許因而浪費

一先該工部具奏差官二員清理各處逃故人

匠兼催拖欠段疋卽今地方兵荒俱取暫回
逃故人匠拖欠段疋仍行布按二司及府州
縣掌印官員督造清理補解其輪班住坐人
匠有因貧難逃回及失班損失勘合者除假
限班次外俱限三箇月以裏首官與免本罪
免罰班

一工部連年坐派各色物料數多因累地方今
後務要斟酌節省其以坐派者除年例額辦
軍需外但係不急工程每年派出物料若已
徵在官者照舊起解未徵及小民拖欠者俱

各停免各該巡按御史仍要着實查究明白
以覃實惠

一各處兵荒相仍軍民困苦今後非奉明文一
夫不許擅起一錢不許擅科巡按御史按察
司官嚴加察訪但有違者即便拿問情重者
指實具奏從重治罪

一內外交武官員住俸戴罪者悉皆宥免照舊
關支管事於戲天惟顯思仁愛實存於譴告
民亦勞止子惠必先於困窮惟德政之交脩
庶天人之協應播告中外咸使聞知

恤刑勅

正德九年九月十六日

皇帝勅諭三法司問理刑獄係是重事但凡斷決起發會勘駁勘等項律例所載俱有定限不許淹禁在京在外問刑衙門官員謹慎者固多中間亦有不體

朝廷欽恤至意一應囚犯到官或不行親問或循情受囑或畏避嫌疑展轉委勘以致監禁日久有數年不得歸結至疫死獄中者情甚可憫法司便申明律例通行文書與各該衙門知道今後再有故違的都從重究治近年山東

河南四川江西等處地方失事人員亦有淹
禁未結的各該鎮守等官都上緊查勘明白
從公議擬奏來定奪故諭

天熱減刑勅

正德十一年四月十六日

朕惟刑獄重事自古帝王必致謹於斯朕嗣
承大統仰體

上天好生之心特加慎重茲當天氣炎熱之時慮恐
輕重罪囚或有冤抑不無致傷和氣特命爾
公同三法司堂上官將見監問罪囚逐一從
公審錄死罪情真罪當者照例監候聽決其

有情可矜罪可疑事無証佐可結正并枷號
者具奏處治徒流以下便減等發落答罪的
都放了毋令淹滯審問之際尤須詳察言詞
旁詢知証斷之以理毋惑於浮言毋拘於成
案務得真情以全民命其原勘問官有故失
出入等罪不追究爾心腹重臣受茲委任務
殫心悉慮以稱朕好生之意故諭

太后遺詔

正德十三年二月初十日

慈聖康壽

太皇太后遺詔內外文武羣臣

予以菲德獲配

憲宗皇帝二十餘年不幸

茂陵上賓賴

孝宗皇帝及

今皇帝光嗣帝業海宇奠安自正德元年以來予與
皇太后同受天下至養慈孝無間茲予壽登七十得

復侍

茂陵左右無復有遺憾矣永惟

祖宗創業垂統艱難重大

皇帝宜以萬幾爲念不得過於哀戚成服三日後聽

政爾中外文武羣臣尤宜協志効勞佐行化
理以永垂無疆之休喪制悉遵

先孝肅太皇太后遺誥以日易月二十七日而除君
臣皆同母廢

郊社

宗廟百神常祀母禁中外臣民音樂嫁娶興王等王
及諸宗室親王各守藩屏不必赴喪但遣人
進香在外大小文武衙門並免進香特茲誥
諭其各遵行勿違予志

議尊諡勅

正德十三年二月二十二日

朕惟顯揚先德加薦鴻名媿廟享於將來垂
休光於不泯此我朝世守之舊典亦自古已
行之通諡也洪惟我

聖祖母大行慈聖康壽太皇太后昔配我

皇祖考憲宗純皇帝孝慈恭儉一德弗渝貞固中和
六宮承式惟徽音之有繼肆流慶於無窮故
凡我

皇考孝宗敬皇帝之所以毓德春宮緝熙帝業化成
天下垂裕後昆而眇末一人其所以獲嗣先
猷用賢圖治歛茲五福錫厥庶民揆厥所由

何莫非我

皇祖母之恩之德實有以助成於前佑啓於後而致

然也哉方期

聖壽萬年益隆至養夫何

皇天弗吊遽見棄違摧痛攀號已無所及顧惟

聖德崇深臣民同戴自宜博采輿論之公丕顯難名

之懿極其大美稱

天而謚昭告于

郊

廟

社稷垂示于天下後世庶可以稱朕尊

親之志禮部其集議以聞欽哉故諭

尊諡詔

正德十三年三月初六日

奉

天承運

皇帝詔曰

朕恪守慎終之禮將崇

升祔之儀睠廷議之僉同儼

天心之鑑格爰循舊典上薦

徽稱仰惟

皇祖妣大行慈聖康壽太皇太后

淑德至仁本乎天性配我

皇祖考憲宗純皇帝

母儀天下餘二十年

內言不出於宮闈

美化自行于中外我

皇考克承

慈訓既增

嗣服之光予一人獲守丕圖亦賴

詒謀之善顧

大恩之未報奄

至養之終違况當摧割之中舉是追崇之典自非

鴻名之稱實曷揚

盛美於將來於三月初三日祇告

天地

宗廟

社稷恭上

尊諡曰

孝貞莊懿恭靖仁慈欽天輔聖純皇后

嗚呼

厚德難名罔極終天之念

徽音不已尙垂來裔之休布告萬方俾咸知悉

諭羣臣勅

正德十三年七月十六日

朕今巡視三邊脩舉戎務冀除虜患以靖地方
但念根本重大居守無人諸司事務恐致廢
弛爾等宜同寅協恭各脩職業事有應各該
衙門會議者公同議處而行毋得偏執違拗
致誤事機爾等其欽承之故諭

親征宸濠詔

正德十四年八月二十二

日

奉

天承運

皇帝詔曰惟我

祖宗列聖開創洪業封建親藩所以拱爲國家奠安
宗社朕以菲德嗣承大統恪遵

祖訓惇厚親親

天地神明所共臨鑑豈意寧王宸濠天性兇惡自作
不靖誣陷郡王淫亂宗女打死無罪平人不
下千數強奪官民田產動以萬計脅奏良善
毒害忠貞包藏禍心妄窺大位聚集羣盜招

納叛亡私造戰船擅置軍器造謀作孽積有
歲年流言日聞朕未遽信前年本府內官赴
京告變近日在京科道交章舉發朕猶念在
親詔曲爲保全特遣親臣齎書戒諭宸濠自
知罪在不赦使者未及半途先已肆行反逆
殺害巡撫囚禁守臣分遣賊徒四散流劫占
據官府縱放獄囚攻圍城池燒燬郡縣搜劫
印信搶奪運船南京各處守臣連日飛章奏
報具有實跡反狀甚明爰下大廷會官集議
僉謂宸濠悖逆

天道得罪

祖宗古今大惡朕不敢赦祇告

天地

宗廟革其封爵削其屬籍親統六師正名討罪除首
惡宸濠并同謀有名逆賊不赦外其餘脅從
之徒盡行寬宥占奪田產悉還本主本處并
經過人員近因迫脅拘繫妻子禁錮者卽與
釋放護衛及軍民職官先因陳奏宸濠非罪
降謫者查奏起用死者贈官生者優恤上以
慰

列聖在天之靈下以救一方塗炭之苦兵出有名事
非得已內外大小之臣遠近忠義之士同心
合志協力効謀旬日之間罪人可得尤念匹
夫作難毒我良民惡聲傳聞玷我宗室重以
師徒所過閭井騷然供饋之繁衆庶勞止疾
苦在下憂切朕心俟大功之告成將大賚於
海宇

嗚呼奉

天討罪大義不私於所親和衆安民至仁無敵於天
下故茲詔示咸使聞知

親征寧王諭羣臣守京勅

正德十四年

十月十一日

朕今親統六師奉行

天討勦除反逆以安

宗社但念根本重大居守無人爾等宜同寅協恭盡

心職業以安輯士衆保衛京師用紓朕內顧

之憂事有應與各該衙門計議者公同議處

亭當而行不許偏私執拗有誤事機如違責

有所歸故諭

遺詔

正德十六年三月十四日

奉

天承運

皇帝詔曰朕以菲薄紹承

祖宗丕業十有七年矣圖治雖勤化理未洽深惟有

孤

先帝付托今忽遘疾彌留殆弗能興夫死生常理古

今所不免惟在繼統得人

宗社生民有賴吾雖棄世亦復奚憾焉

皇考孝宗敬皇帝親弟興獻王長子厚燠聰明仁孝

德器夙成倫序當立己遵奉

祖訓兄終弟及之文告于

宗廟請于

慈壽皇太后與內外文武羣臣合謀同辭卽日遣官
迎取來京嗣皇帝位內外文武羣臣其協心
輔理凡一應事務率依

祖宗舊制用副予志嗣君未到京之日凡有重大緊
急事情該衙門具本暫且奏知

皇太后而行喪禮遵

皇考遺制以日易月二十七日釋服母禁音樂嫁娶
宗室親王藩屏攸繫母輒離封域各處鎮守

總兵巡撫等官及都布按三司官員各固守疆境撫安軍民毋擅離職守聞喪之日止於本處哭臨三日進香遣官代行廣東廣西四川雲南貴州所屬府州縣并土官及各布政司南直隸七品以下衙門俱免進香京城九門皇城四門務要嚴禁防守威武團練營官軍已回原營勇士并四衛營官軍亦各回原營照舊操練原額兵將官隨宜委用各邊放回官軍每人賞銀二兩就於本處管糧官處給與宣府糧草缺乏戶部速與處置各衙門

見監囚犯除與逆賊宸濠事情有干外凡南
征逮繫來京原無重情的俱送法司查審明
白釋放還籍各處取來婦女見在內府的司
禮監查放還家務令得所各處工程除營建
大工外其餘盡皆停止但凡抄沒犯人財物
及宣府收貯銀兩等項俱明白開具簿籍收
貯內庫以備接濟邊儲及賞賜等項應用詔
諭天下咸使聞知

總兵巡撫等官及都布按三司官員各固守
疆域撫安軍民毋擅離職守聞喪之日止於
籍天不期外間朕香遠宣代行廣東廣西四
川內政以謝楚廣慶謝又賞佩等貳縣照臨
又宣祿郊祀畢兩等更尉即由開具報蘇外
大工於其籍盡嘗登土外凡妹郊路入祖姓
顯溫查照置案發令縣照各盡工跡細營藝
由縣照數蘇各處順來禮文其政內印印
至皇禮來京照無重靜順縣蘇其兩登蘇
皇明詔令卷之十八

